



Universitätsbibliothek Paderborn

**Francisci Baconi Baronis de Verulamio, Vice-Comitis S.
Albani, Summi Angliæ Cancellarii, Opera omnia, Quæ
extant: Philosophica, Moralia, Politica, Historica ...**

Bacon, Francis

Francofurti ad Moenvm, 1665

LVIII. De civili Conservatione.

urn:nbn:de:bvb:12-bsb10497643-5

& efficax, quod animus ad virtutem efformetur, & in statu collocetur perfectioni proximo. Hoc autem est, ut finis vita actionumq[ue] diligamus, & nobis ipsis proponamus, rectos & virtutis congruos: qui ramen tales sint, ut eos asequendi nobis aliquatenus suppetar facultas. Si enim haec duo supponantur: ut & fines actionum sint honesti, & boni; & decretum animi de iis asequendis, & obrinendis, fixum sit & constans; sequitur, ut continuo vertat & efformet se animus, una opera in virtutes omnes. Atque haec certe, illa est operatio, qua Natura ipsius opus referat: cum reliqua, qua diximus, videantur esse solummodo sicut *Opera manus*. Quemadmodum enim *Statuarius*, quando simulachrum aliquod sculpsit aut incidit, illius solummodo partis figuram effingit, circa quam manus occupata est, non autem ceterarum: (veluti si faciem efformet, corpus reliquum rude permanet & informe faxum, donec ad illud quodque pervenerit:) è contra vero *Natura*, quando florem molitur, aut animal, rudimenta partium omnium simul parit & producit: Eodem modo, quanto virtutes habitu acquiruntur, dum temperantur in cumbimus, ad fortitudinem, aut reliquas, parum proficiimus: quando autem *rectis & honestis finibus* nos dedicaverimus penitus, & devoverimus, quæcumque fuerit virtus, quam animo nostro commendaverint & imperaverint fines illi, reperiemus nos jam dudum imbutos & prædispositos habilitate & propensione nonnulla, ad eam asequendam & exprimendam. Atqui hic posse esse status ille animi, qui egregie ab Aristotele describitur: & ab eo, non *Virtutis*, sed *Divinitatis* cuiusdam charactere insig- nitur. Ipsa ejus verba haec sunt: *Immanitati autem consentaneum est opponere eam, qua supra humanitatem est, Heroicam sive Divinam virtutem*. Et paulo post: *Nam ut ferè, neque virtutum, neque virtus est, sic neque Dei*. Sed hic quidem status, altius quiddam virtute est: ille alius quiddam à virtute. Plinius certe Secundus, ex licentia magniloquentia *Ethnica*, Trajani virtutem, divinæ, non tanquam amitamentum, sed tanquam exemplar, proponit, cum ait: *Opus non esse Hominibus alias ad Deos preces fundere, quam ut benignos aque & propitiis se Dominos mortalibus prestarent, ac Trajanus prestitisset*. Verum haec profanam Ethnicorum jactantiam sapienti, qui umbras quasdam corpore majores presensabant: Ut Religio vera, & sancta Fides Christiana, rem ipsam petit; imprimendo animis hominum charitatem, quæ appositissime *Vinculum perfectionis* appellatur, quia virtutes omnes simul colligat, & revincit. Sanè elegantissime dictum est à Menandro, de amore sensuali, qui divinum illum pererat imitatur: *Amor, melior Sophista lazo, ad humanam vitam*. Quibus innuit, morum decus melius ab amore efformari, quam à Sophista & præceptore inepto, quem *levum* appellat. Si quidem universis suis operosis regulis & præceptionibus hominum tam dextrè & expedite effingere nequeat, ut scipsum & in pretio habeat, & se bellè in omnibus componat, quam amor facit. Sic procul dubio, si animus cuiuspiam, fervore *Charitatis* vera, incendatur, ad maiorem perfectionem evenerit, quam per universam *Ethnicam doctrinam*: quæ Sophiste profectò habet rationem, si cum altera illa conferatur. Quin etiam, sicut Xenophon

rectè observavit: *Caseros affectus, licet animus attollant, cum tamen distorquere & discomponere, per ecstasēs, & excessus suos: Amorem vero solum, eum simul & dilatare, & componere*: Sic omnes alii humanæ, quas admiramur, dotes, dum naturam in majus exaltant, excessui interim sunt obnoxiae: sola autem *Charitas* non admittit excessum. Angelī, dum ad potentiam, Divinæ parem, aspirarent, prævaricati sunt, & ceciderunt: *Ascendam, & ero similis Altissimo*. Homo dum ad scientiam, Divinæ parem, aspiraret, prævaricatus est, & lapsus: *Eritis sicut Di, scientes bonum & malum*. Verum ad similitudinem, Divinæ bonitatis, aut charitatis, aspirando, nec Angelus, nec homo, unquam in periculum venit, aut veniet. Imò ad hanc ipsam imitationem etiam invitamus: *Diligite inimicos vestros, benefacite his qui oderunt vos, & orate propersequentiis & calumniantibus vos, ut sitis filii patris vestri qui in cœlis est, qui solem suum oriri facit super bonos & malos; & pluit super justos & injustos*. Quin & in ipso Archetypo naturæ Divinæ, verba sic collocat religio Ethnica (*Optimus, Maximus*) Scriptura autem sacra pronunciat: *Misericordia ejus super omnia opera ejus*.

LVIII.

DE CIVILI CONVERSATIONE.

Conversatio certe affectata esse non debet, at multò minus neglecta: cum prudentia in ejus moderamine, & decus quoddam morum in se ipsa præseferat; & ad negotia, tam publica, quam privata, commode administranda, plurimum juvet. Etenim sicut *Actio Oratori* tanti habetur, (licet sit externum quiddam) ut etiam illis alteris partibus, quæ graviore & interiores videntur, anteponatur: Eodem ferè modo, in *Viro Civili Conversatione*, ejusque regimen (ut cunque in exterioribus occupetur (in non summum, at certe eximum locum invenit. Quale enim pondus habet, *Vultus* ipse ejus compositor? Recetè Poëta:

Nec vultu destrue verbatuo

Poterit enim quis *vix orationis vultu* labefactare, & planè prodere. Quin & *Facta*, non minus quam *Verba*, *vultu* pariter destrui possint, si Ciceroni credamus: qui cum fratri affabilitatem commendaret erga *Provinciales*, non in hoc eam potissimum sitam dixit, ut aditus præberet ad se faciles, nisi etiam *vultu* ipso comiter accedentes exciperet: *Nil interest, habere ostium apertum, vultum clausum*. Videmus quoque, Atticum, sub primum Ciceronis cum *Cæsare* congressum, bello adhuc fervente, diligenter & serio Ciceronem per epistolam monuisse de *Vultu & Gesu* ad dignitatem & gravitatem componendis. Quod si tantum posset *Oris & Vultus* solius moderatio, quantò magis *Sermo familiaris*, & alia, quæ ad *Conversationem* pertinent? Atque sanè *Summa & Compendium decori, & elegantiae* morum, in hoc ferè sita sunt; ut quasi æquæ lance, & propriam dignitatem, & aliorum, metiamur & tecumur. Quod etiam non male expressit *Titus Livius*, (licet alii rei intentus,) eo persona charactere: *Nè (inquit) aut arrogans videar, aut obnoxius: quorum alterum est aliena libertatis oblitus alterum sua*. Ex contraria vero parte, si *Vrbani*, & elegantiae morum externæ impensis studeamus, transeunt illæ in affectionem quandam deformem, & adulterinam;

Ggg 2 Quid

Quid enim deformius, quam scenam in vitam trans-ferre? Quin etiam, licet in excessum illum vitio-sum minimè prolabantur; temporis tamen ni-mium in hujusmodi leviculis absuntur, animus-que ad curam ipsarum, magis quam oportet, deprimitur. Ideòque sicut in Academis adolescentes literarum studioſi, aut sodalium congressibus plus satis indulgentes, moneri soleant à Preceptoribus: *Amicos esse fures temporis.* Sic certè assidua ista, in *Conversationis* decorum, animi intentio, magnum gravioribus meditationibus furtum facit. Deinde, qui primas adeo in *Vrbanitate* obtinent, & ad hanc rem unam quasi nati videntur, hoc ferè habent, ut sibi ipsis in illa sola complacant, & ad virtutes so-lidiores, & celsiores, vix unquam aspirant: Quando è contra, qui sibi in hac parte defectus sunt consci, decus ex bona existimatione querunt: Ubi enim adest bona existimatio, omnia ferè decent; ubi ve-rò illa deficit, tum demum, à commoditate morum, atque *Vrbanitate*, subsidium petendum est.

Porrò, ad res gerendas, vix gravius aut frequentius reperias impedimentum, quam hujuscē decori externi curiosam nimis observationem; atque illud alterum, quod huic ipsi inservit, nimis, anxiā temporis atque opportunitatum electionem. Egregiè enim Salomon: *Qui respicit ad ventos, non seminat: Qui respicit ad nubes, non metit:* Creanda siquidem nobis est opportunitas, saepius quam op-perienda. Ut verbo dicamus, *Urbana* ista morum *compositio*, veluti vestis animi est: Proinde vestis comoditates referre debet. Primum enim, talis esse debet, ut sit in usu communī: Rursus, ut non sit nimis delicata aut sumptuosa: Deinde, ita confi-cienda, ut si qua sit in animo virtus, eam exhibeat maximè conspicuum: Si qua deformitas, eandem suppleat, & occultet: Postremò, & super omnia, ne sit nimis arcta, atque ista animum angustet, ut ejusdem motus in rebus gerendis co-hibeat & impeditat.

Vide Tract. de Augm. Scient.

F I N I S.



FRAN.